

1871.

17. janúar.

3. Bréf kirkju- og kennslustjórnarinnar til stiptamt- mannsins og biskupsins yfir Íslandi, um kennslu- bók í söngfræði.

Með bréfi, dagsettu 17. nóvbrm. f. á., hafið þér, herra stiptamtmaður, og þér, háæruverðugi herra, sent hingað bænarskrá, þar sem söngkennari við hinn lærða skóla í Reykjavík, organleikari Pétur Guðjohnsen, hefir sókt um 80 rd. styrk, sem endurgjald fyrir kostnað við prentunina á íslenzkri kennslubók í söng, eða leiðarvísi við söngkennslu, sem hann hefir gefið út; hafið þér mælt fram með þessu af því, að hið opinbera hafi endranær veitt styrk til þess að gefa út íslenzkar kennslubækur, bæði með því að veita höfundunum þóknun, og með því að láta prentsmiðju landsins prenta bækurnar á sinn kostnað; þér færið og til, að sækjandi hafi sýnt, að honum sè mjög annnt um kennslugrein sína, með því að gefa út bók þessa á sjálfs síns kostnað, án þess að sækja um slíkan styrk fyrirfram, er þér þá munduð hafa mælt til að hann fengi.

Útaf þessu gefst yður til vitundar, yður til leiðbeiningar og svo þér birtið það, að þó eigi virðist geta verið þörf á slíkri bók við söngkennsluna í skólanum, hefir stjórnarráðið samt, sökum þess, að bókin að öðru leyti mundi geta gjört gagn, veitt sækjandanum 50 rd. þóknun, og veitum vèr yður myndugleika til, að láta borga þessa upphæð af því fè, sem veitt er með fjárhagslögnum 20. gr. VI. C.

17. janúar.

4. Bréf dómsmálastjórnarinnar til stiptamtmannsins yfir Íslandi, um sending hinna dönsku Lagatíðinda og stjórnartíðinda.¹

Jafnframt og vèr gefum yður, herra stiptamtmaður, til vitundar, að póststjórnin, samkvæmt lögum 25. júní f. á. og til-

¹⁾ Með bréfi s. d. voru hinum amtmönnunum send hvorutveggju tíðindin.

skipun 24. septbr. s. á., frá 1. þ. m. mun sjá um, að stiptamtinu verði sent sitt exemplarið af hvorju, Lagatíðindum (*Lovtidende*) og Stjórnartíðindum (*Ministerialtidende*), sem skulu fylgja embættinu, mælumst vör til, að þér tilkynnið hinum íslenska landsýfirretti og alþingi, að þeim muni á líkan hátt verða send 2 exemplar af Lagatíðindum og 1 af Stjórnartíðindum, og skal hvorttveggja vera eign yfirrettarins og þingsins.

1871.

17. janúar.

5. Bréf kirkju- og kennslustjórnarinnar til stiptsýfirvaldanna á Íslandi, um sölu á prestssetrinu Eyri við Skutulsfjörð.¹

19. janúar.

Í bréfi 29. ágúst f. á. höfð þér, herra stiptamtmaður, og þér, háæruverðugi herra, stungið uppá, að kirkju- og kennslustjórnin útvegði konungsúrskurð, er veitti yður heimild til, samkvæmt þeim samningum, sem gjörðir hafa verið 1. febr. og 7. maí f. á., að

¹) Samkvæmt tilskipun 26. janúar 1866 25. gr. hafði bæjarstjórnin á Ísafirði fyrir hönd kaupstaðarins leitað samþykkis dómsmálastjórnarinnar til þess að kaupa prestssetrið, með þeim skilmálum, sem tilgreindir eru í bréfi kirkju- og kennslustjórnarinnar; útaf þessu hefir dómsmálastjórnin skrifað amtmanninum í vesturumdæminu, 23. febr., meðal annars þannig

„Eftir að stjórnarráðið útaf þessu hefir skrifast á við kirkju- og kennslustjórnina, og frá henni fengið vitneskju um, að hans hátign konunginum hafi þóknast 10. f. m. allramildlegast að fallast á, að stiptsýfiröldunum yfir Íslandi verði veittur myndugleiki til að selja prestssetrið Eyri með þeim skilmálum, sem hlutaðeigandi prestur og bæjarstjórnin í Ísafjarðar kaupstað hafa komið sér saman um, 1. febr. og 7. maí f. á., gefst yður til vitundar, yður til leiðbeiningar og svo þér auglýsið það, að dómsmálastjórnin að því leyti, er snertir kaupstaðinn, hefir ekki neitt ámoti því, að kaupin fari fram með þeim skilmálum, sem getið er að framan, og skal því að endingu við bætt, að stjórnarráðið eptir því, sem segir í fyr nefndu bréfi yðar, verður að vera yður samdóma í því, að ef nokkur ágreiningur skyldi verða um skilning á samningnum, þá skuli málið ganga til dóms og laga.“